



Gabinete Wever - Croes II

# ISLAONLINE


Noticia di Gobierno

2023

Diabierna 15 September 2023

Email: [IslaOnline@gobierno.aw](mailto:IslaOnline@gobierno.aw) Tel: 528-4952

**2023**  
**AÑA DI**



**UNION**  
**Y POSITIVISMO!**



@IslaOnline2023





## E proyecto di Edutech ta cumpli cu soño di un scol mas **ST. PAULUS SCHOOL, CONTENTO CU 50 CHROMEBOOKS PA KLAS TRES Y CUATRO**

Diabierna mainta Prome Minister Evelyn Wever-Croes hunto cu Parlamentario Alvin Molina, a bishita St. Paulus School na San Nicolas pa mira con e docente y alumnonan ta duna y haña les cu e "chromebooks" nobo cu nan a gana cu e proyecto di Edutech.

Prome Minister a indica cu St. Paulus School ta un scol cu tin hopi aña caba canando e caminda pa digitalisacion, y a tuma e oportunidad di participa na e proyecto di innovacion di Edutech pa gana e oportunidad pa haya chromebooks pa klasnan 3 y 4. Cu un proyecto diferente, St. Paulus School a logra gana, ricibiendo asina un total di 50 chromebooks pa e klasnan. Esaki sigur a trece un cambio radical pa loke ta e participacion di e muchanan den klas. Por nota cu e muchanan ta sumamente entusiasma cu e sistema nobo aki, y ta duna mas di nan parti durante les. E docentenan tambe ta contento, mirando cu e disponibilidad di e chromebooknan aki ta facilita e manera pa duna les, y ta crea un ambiente ameno.

Durante su bishita, Prome Minister tambe a toca e tema di seguridad, y a reitera e importancia pa educa e muchanan di e peliger cu ta existi, na momento cu nan subi Google pa busca informacion. Esaki sigur ta un tema St. Paulus School ya ta tene cuenta cu ne, mirando cu nan ta siña e muchanan e importancia di tin un password y di mantene secreto, pa asina evita cualkier persona por "hack" den nan sistema.

Tambe, Prome Minister a expresa di ta sumamente orguyoso pa mira e caminda cu St. Paulus School ta bin ta canando pa añanan caba pa loke ta innovacion, y ta contento cu e scol a kere den e proyecto di Edutech. Danki na nan participacion, y cu nan a gana, Gobierno por a yuda nan cu e materialnan cu tanto nan tabata desea. E 50 chromebooknan aki lo haci un diferencia sigur den participacion di cada mucha, cu e resultado di termina nan aña escolar exitosamente. Prome Minister ta felicita St. Paulus School, e cabesante, tur docente y alumno, y ta gradici Futura pa haci esaki posibel, cumpliendo asina cu soño di un scol mas.









## Minister di Enseñansa y Consul General di Merca ta firma MOU pa completa 'EducationUSA'

# ARUBA COMO E PAIS PIONERO, A CUMINSA CU E PROYECTO AKI Y TA E UNICO DEN REINO CU TA HACIENDO ESAKI



Diahuebs atardi, na John F.Kennedy Education Center Aruba, Minister di Enseñansa Endy Croes y Consul General di Merca na Corsou Margy Bond a firma e MOU pa asina completa EducationUSA. Prome Minister Evelyn Wever-Croes tawata presente tambe na e ocasion importante aki pa nos pais y a expresa di ta sumamente contento cu esaki pasobra e ta un motivacion mas pa traha hunto pa expande educacion cu institutonan na Merca.

Den tempo di pandemia, Aruba como e pais pionero, a cuminsa cu e Proyecto EducationUSA. Den nos region y den Reino, Aruba ta e unico cu ta haciendo esaki. Intencion di

EducationUSA ta pa crea mas posibilidad pa studiantenan di Aruba haya mas acceso na estudionan na Merca cu lo ta mas accesibel financieramente tambe.

“Consul di Merca semper a brinda un sosten grandi na e proyecto aki mientras cu Minister di Enseñansa semper a kere den e programa aki. Y awe, nan a firma e MOU. Cu esaki, mi deseo y speransa ta cu hopi mas porta ta bay habri pa nos hobennan haya mas oportunidad pa yega na e estudionan cu nan ta desea pa despues tambe nan regresa Aruba pa yuda nos cu nos economia”, Prome Minister a expresa.

Prome Minister ta felicita Minister Endy Croes, e veld di enseñansa y tur esnan cu a haci esaki polisbel. “Esaki ta un resultado di e laso estrecho entre Aruba y Merca. E relacion aki ta fuerte y awo nos ta wak su frutonan”, Prome Minister Evelyn Wever-Croes a remarca.



# Informacion di Participante

Number y Fam: \_\_\_\_\_  
Fecha di Nacemento: \_\_\_\_\_ Edad: \_\_\_\_\_  
Scol: \_\_\_\_\_ Klas: \_\_\_\_\_  
Number di Telefon di Mayor: \_\_\_\_\_



Un number faborito pa bo cacho: \_\_\_\_\_

## CONCURSO di Pintamento 2023

### Bo Kier Participa?

1. Participacion ta gratis! Tur muchanan di scol basico por participa (1e - 6e klas)
2. Si bo no a ricibi e formulario na scol, bo por download e formulario via: [specialprojectsaruba.org](https://specialprojectsaruba.org)
3. Tarea 1: Duna bo cacho un number  
Tarea 2: Pinta un (of mas) cacho den cura
4. Bo pintura mester ta uno original y creativo, e pintura mester ilustra un cacho den cura y bo por incorpora mas di e puntonan di e Ley di Cacho den dje
5. E pintura mester ta den color y mester ta pinta door di e mucha mes
6. Un (1) pintura pa cada participante; entrega bo formulario no mas tarda cu dia 22 di september 2023 na Bestuurskantoor Oranjestad, na HBK San Nicolas, of na e MFA mas cerca dibo
7. E ganadornan di cada klas lo wordo anuncia dia 4 di oktober 2023 Dierendag riba e pagina facebook di Gabinete Wever-Croes
8. Lo tin un regalito pa tur e ganadornan cu lo wordo entrega fin di oktober



Area pa pinta ↓

Area pa pinta ↓





# MINISTER MADURO A TOPA CU E TEAM RESPONSABEL PA E PLATAFORMA DIGITAL PA CONSERVA NOS HERENCIA CULTURAL COLECCION ARUBA

**Dia 28 di september ta lansa [www.coleccion.aw](http://www.coleccion.aw) oficialmente**



Recientemente Minister Maduro di Cultura a reuni cu e team di Archivo Nacional Aruba, Biblioteca Nacional Aruba y UNOCA cu ta trahando riba e plataforma digital Coleccion Aruba riba [www.Coleccion.aw](http://www.Coleccion.aw). Un colaboracion cu a cuminsa cu e tres instancianan aki y cu awo ta conta cu hopi mas partners y informacion.

Coleccion.aw ta un innovacion unico no solamente na Aruba, pero tambe den nos region. Recientemente Aruba a presenta e trabounan haci pa yega na Coleccion.aw, na e conferencia di bibliotecanan, archivonan y museonan di ACURIL na Jamaica y esaki a causa un impacto hopi positivo bou di e miembronan cu tambe lo kier yega na un plataforma digital asina basa riba colaboracion di varios instancia na nan respectivo Pais. E cooperacion entre e diferente instancianan, departamentonan y fundacionnan ta di elogio. Alabes e plataforma digital aki tin un rol importante di conecta historia y cultura di Aruba den un desaroyo sostenibel, cumpliendo cu un di e metanan di Nacionnan Uni.



Keda pendiente pa dia 28 di september cu ta Dia Internacional di Acceso na Informacion pa e lansamento oficial di Coleccion Aruba, un proyecto innovativo den conservacion digital di nos herencia cultural.





## EN CONEXION CU PRESUPUESTO SUPLETORIO 2023, A ELABORA RIBA ASPECTONAN DI MINISTERIO DI ENSEÑANSA Y DEPORTE



Recientemente durante e reunion publico di Parlamento di Aruba a trata Presupuesto Supletorio 2023 di Pais Aruba. Durante desertacion, Minister di Enseñansa y Deporte Endy Croes a contesta pregunta en conexion cu su ministerionan. Minister Endy Croes a splica durante e reunion publico e cambianan den e presupuesto den e aspecto di enseñansa. A kita un total di AWG. 580 mil for di salaris subsidie di e directivanan di scol y a aloca esaki pa otro proyectonan. A corta suma di diferente “directiva di scol”. Ademas, e suma cu tabata bay pa e scol cu e cera, tambe a uza pa e proyectonan aki. No obstante esey, e suma aki ta inclui e premie di NPR na 17.1 % y despues a

resulta na final cu ta 15.7%, cual tambe a uza pa otro proyecto. Fuera di esaki, den Presupuesto 2023 ta bin dilanti e forma cu por yuda scol cu material pa siña nan trabou den sector hotelero. AHATA a haci un bunita donacion na E.P.B. San Nicolas. Minister Endy Croes a señala cu Colegio EPI tambe lo ricibi AWG. 325 mil a traves di “normbedrag”. En conexion cu e asuntonan di Ministerio di Deporte, Minister Endy Croes a indica cu a haci un peticion na Aruba Sport Unie (ASU) pa bin cu diferente curso pa educa e federacionnan con pa tin un bon maneho. E federacionnan mester ta fuerte pa por duna guia debidamente.



# FALTA 6 DIA MAS PA POR PARTICIPADEN E CONCURSO DI PINTAMENTO "CACHO DEN CURA"

E aña aki ta di cinco aña consecutivo cu ta organisa un Concurso di Pintamento, pues Gobierno di Aruba ta celebrando su prome lustro pa cu esaki.

E meta di e concurso ta pa conscientisa specialmente nos muchanan tocante Aruba su Ley di Cacho. E muchanan na nan turno a traves di nan pintura ta expresa y por siña mas tocante e ley aki y nan tambe kisas lo por educa hendenan rond di nan ora nan mira algo cu no ta cuadra cu nan deber.

E aña aki e muchanan mester pinta un of mas cacho den cura; Minister di Enseñansa Endy Croes a dicidi di sigui e liña di e campaña cu Cuerpo Policial a inicia na juli: Cacho Den Cura, Ta Ley E Ta.

Participacion ta gratis y tur mucha cu ta bay scol basico por participa. Si abo como mayor sa cu bo yiu no a ricibi e formulario na scol, por download e formulario via [www.specialprojectsaruba.org](http://www.specialprojectsaruba.org) tambe pa print pagina 2 (e print mag ta blanco cu preto); pagina 1 ta e pagina di informacion.

E pintura mester ta na color y pinta door di e mucha mes, pues sin ayudo di un mayor. Detayes con pa por comunica cu e alumno cu a gana tambe ta importante pa wordo menciona riba e formulario di participacion.

Ultimo dia cu por entrega e formularionan di participacion ta diabierna dia 22 di september 2023. Por entrega e formularionan na Bestuurskantoor Oranjestad, na HBK San Nicolas of na e MFA mas cerca.

E ganadonan lo wordo anuncia dia 4 di october 2023 riba e pagina di Facebook di Gabinete Wever-Croes. E muchanan cu gana lo wordo invita den e luna di october, despues di vakantie, pa ricibi nan regalo.

Gobierno di Aruba ta invita tur mayor y maestro pa stimula e muchanan cu ta bay scol basico pa participa. Minister Endy Croes ta spera di por "conta cu un cantidad record e aña aki".

Si tur ciudadano di Aruba cuminsa inculca e atencion debido di nos Ley di Cacho den nos muchanan, nos lo por garantiza un bunita futuro pa locual ta trata doñonan di mascota responsabel cu ta respeta ley y alabes nan propio cachonan.

El formulario de inscripción está diseñado con un fondo amarillo vibrante y decorado con dibujos de un sol, nubes, flores y huellas de patas de perro multicolores. En la parte superior derecha hay una ilustración de un perro blanco con ojos azules que sostiene un lápiz de colores. El título principal es 'Informacion di Participante' en una tipografía azul y negra. Debajo del título, hay varias líneas para completar los datos personales: 'Number y Fam:', 'Fecha di Nacemento:', 'Edad:', 'Scol:', 'Klas:', y 'Number di Telefon di Mayor:'. En la parte inferior de esta sección, hay un recuadro rosa con el texto 'Un number faborito pa bo cacho:'. A la derecha del formulario, hay un pequeño logo que dice 'I love my PET'. La parte inferior del formulario está ocupada por un gran recuadro con una línea punteada, etiquetado como 'Area pa pinta' en ambos lados con flechas y el texto 'Area pa pinta' escrito verticalmente.

Informacion di Participante

Number y Fam: \_\_\_\_\_

Fecha di Nacemento: \_\_\_\_\_ Edad: \_\_\_\_\_

Scol: \_\_\_\_\_ Klas: \_\_\_\_\_

Number di Telefon di Mayor: \_\_\_\_\_

Un number faborito pa bo cacho: \_\_\_\_\_

Area pa pinta

Area pa pinta





Positivismo ta un factor importante pa logra union. Ora cu famianan y comunidadnan ta traha hunto pa metanan comun, e chens pa exito ta bira mas grandi. Tambe e ta crea un ambiente mas stabiel y harmonioso cu ta necesario pa e crecimiento y desaroyo di un sociedad.